



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 180. Postulata Felicis ad Synodum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV. modi altercationibus absumeretur, nihil
A.C. 1441. omnino hac super re decisum fuit.

§. CLXXX.

Postulata Felicis ad Synodum.

Sub idem tempus pari quidem pertinacia, feliciori tamen successu dirempta fervebat disceptatio, cum a Basileensibus postularet Felix, ut sibi, quoniam alias ex Pontificatus sui proventibus nil omnino acciperet, ad dignitatis suæ onera sufferenda unam concederent Ecclesiam, monasterium unum, unumque aliud beneficium in Sabaudia Ducatu, nomine Synodi tandiu obtinenda, donec potior ex Romanæ Ecclesiæ bonis partem recuperaret. Basileenses circa hoc Felicis postulatum diu deliberabant: ægerrime tamen hunc ei favorem non nisi summis, quos Felix habebat, amicorum precibus devicti, post maximam animorum contentionem concedebant. Præterea statuebant, Felicem reservationibus, ut vocant, in Sessione trigesima prima stabilitis potiri posse: Cum vero frequentes afferrentur querimoniae adversus illos, qui literas Apostolicas expediti solent, quod pro suis laboribus immodicas exigent pecunias, hoc super negotio

negotio diu deliberatum, conclusum nihil est, illis contendentibus, honoraria, quæ exegissent, nequaquam limites a Joanne XXI. summo Pontifice decretos excedere.

§. CLXXXI.

Alphonsus Felicis obsequio addictus.

Delatæ sunt Mense Octobri ad Basileensis Synodi Patres literæ, quibus Alphonsus sex regna sua Felicis obedientiæ submittebat, simulque fidem dabat, se multa alia, eaque longe ampliora præstiturum, si ad eum Legatus a latere decerneretur. Ergo Joannes de Segovia dictus Cardinalis S. Calixti hoc dignitatis gradu auctus est, dataque eidem per universam Italiam & adjacentes Insulas amplissima potestas. Præcipue eo decernebatur, ut in istis Provinciis tum Basileensis Synodi æquitatem deprædicaret, & ad obedientiam Felicis Papæ quoscunque alliceret, tum denique, ut Alphonsum inter & Renatum Andegavensem, pacis conciliatorem ageret.

Aug. Patriæ
p. 1596.

§. CLXXXII.

Bohemorum Oratorum postulata.

Ultima jam Mensis Octobris fluebat dies, cum Pragensis civitatis, & Ul-

T t 2

rici